



# Nogade

XOGOS GALEGOS DEPORTIVOS EN IDADE ESCOLAR

NORMATIVA XERAL 2018-19

## ÍNDICE

<b>1- INTRODUCCIÓN</b> .....	<b>Páx. 3</b>
<b>2- NORMATIVA XERAL</b> .....	<b>Páx. 3</b>
<b>3-ACTUACIÓNS DO PROGRAMA</b> .....	<b>Páx. 3</b>
<b>4- ACTIVIDADE DEPORTIVA ESCOLAR</b> .....	<b>Páx. 3</b>
4.1 Modalidades	
4.2 Inscripción	
4.3 Organización	
4.4 Documentación	
4.5 Seguro	
4.6 Participantes	
4.7 Idades dos participantes	
4.8 Premios	
4.9 Normas	
4.10 Réxime disciplinario	
<b>5- ACTIVIDADE DEPORTIVA FEDERADA</b> .....	<b>Páx. 6</b>
5.1 Modalidades	
5.2 Inscripción	
5.3 Organización	
5.4 Documentación	
5.5 Seguro	
5.6 Participantes	
5.7 Idades dos participantes	
5.8 Resto da normativa da actividade deportiva federada.	
<b>6- COÑECE O MEU CLUB</b> .....	<b>Páx. 8</b>
<b>7- XOGOS POPULARES</b> .....	<b>Páx. 8</b>
<b>8- PROXECTO DEPORTIVO DE CENTRO</b> .....	<b>Páx. 8</b>
<b>9- XOGANDO COA AUGA</b> .....	<b>Páx. 9</b>
<b>10- SEGURO FEDERADO DE 6 A 16 ANOS</b> .....	<b>Páx. 9</b>

## 1. INTRODUCCIÓN

O programa Xogade, nacido na tempada 2009-2010 con dúas actividades, segue crescendo ano a ano co obxectivo de promover e fomentar a práctica de actividade física na poboación escolar galega ao abeiro do Plan Galicia Saudable da Xunta de Galicia.

Para a posta en marcha deste programa e ao amparo das competencias das administracións públicas galegas en materia deportiva da Lei 3/2012 de 2 de abril, do deporte de Galicia, a Secretaría Xeral para o Deporte establece, contra o seu orzamento, para o mellor exercicio destas competencias, segundo o artigo 6, Título II desta lei:

·Un convenio anual con cada unha das federacións galegas, onde se establece o desenvolvemento da actividade deportiva federada.

·Unha convocatoria de subvencións en réxime de concorrencia non competitiva, para clubs deportivos, sociedades anónimas deportivas e Agrupacións Deportivas Escolares de Galicia, para o desenvolvemento de actividades deportivas.

Así mesmo, facilita un **seguro deportivo a todos os escolares inscritos en actividades de Xogade e para os deportistas de 6 a 16 anos das federacións** que decidan adherirse a esta póliza. Esta é unha medida fundamental para apoiar, sólida e eficazmente, o deporte de base, dentro do compromiso da Xunta de Galicia coa promoción da actividade físico deportiva e os hábitos saudables.

Coa finalidade de minimizar a problemática que supón a xeografía galega de cara á accesibilidade, a Secretaría Xeral para o Deporte inviste un ano máis na **contratación dun servizo de transporte** que garante a todos os escolares o acceso á actividade deportiva en todas as súas modalidades, sempre que o calendario de competición se axuste ao da actividade do programa escolar e que os Servizos Provinciais o outorguen segundo a dispoñibilidade e os servizos contratados.

Toda a información sobre este programa estará accesible desde a páxina [deporte.xunta.gal](http://deporte.xunta.gal) da Secretaría Xeral para o Deporte e na do propio programa [xogade.xunta.gal](http://xogade.xunta.gal). As tramitacións faranse na web [www.deporteescolargalego.com](http://www.deporteescolargalego.com).

## 2. NORMATIVA XERAL

A Secretaría Xeral para o Deporte, coa colaboración das Agrupacións Deportivas Escolares e das federacións galegas, convoca o programa XOGADE (Xogos Galegos Deportivos) en idade escolar para o curso 2018/2019.

## 3. ACTUACIÓNS DO PROGRAMA

Comezaremos o curso coas seguintes actuacións:

ACTIVIDADE DEPORTIVA ESCOLAR  
ACTIVIDADE DEPORTIVA FEDERADA  
COÑECE O MEU CLUB  
XOGOS POPULARES  
XOGANDO COA AUGA  
PROXECTO DEPORTIVO DE CENTRO  
SEGURO FEDERADO DE 6 A 16

Poderán incorporarse novas actuacións e programas piloto ao longo do ano se xurdise a posibilidade. Serán sempre valoradas pola Secretaría Xeral e polos servizos provinciais.

## 4. ACTIVIDADE DEPORTIVA ESCOLAR

### 4.1 MODALIDADES

- Atletismo en pista
- Bádminton
- Baloncesto
- Balonmán
- Campo a Través
- Dúatlon
- Fútbol sala
- Natación
- Orientación
- Patinaxe Artística
- Tenis de mesa
- Voleibol
- Xadrez
- Xogando co atletismo
- Multixogo 6-8

Multixogo realizarase a partir do 1 de xaneiro. Os Servizos Provinciais, a través das Agrupacións Deportivas, organizarán xornadas multidisciplinares para nenos e nenas de 1º e 2º de Educación Primaria ás que toda entidade interesada se poderá apuntar.

Cada organizador adaptará os contidos e actividades segundo as posibilidades e intereses do seu contorno, mantendo sempre o carácter práctico, lúdico e predeportivo destas actividades.

Desde o xogo e a motricidade global presentarase a Actividade Física como diversión para que entre a formar parte das súas vidas como primeiro paso para un estilo de vida activo e saudable.

Esta proposta busca aportar experiencias de práctica de actividade física sen ningún tipo de condicionamento cara a unha disciplina concreta. Unha vivencia do movemento que, lonxe dos modelos de especialización, amplíe a súa experiencia motriz e o gusto pola actividade e o movemento.

## 4.2 INSCRICIÓNS

Poderán inscribirse neste programa, sen precisar licenza federativa, os centros de ensino, ANPAs, clubs, escolas deportivas municipais, agrupacións deportivas, asociacións, etc., que o desexen, pertencentes á Comunidade Autónoma de Galicia.

A inscrición realizarase a través da páxina [www.deporteescolargalego.com](http://www.deporteescolargalego.com)

O responsable da entidade solicitará o rexistro a través da web para inscribir equipos e deportistas. As entidades que xa participasen nas tempadas anteriores manteñen o mesmo nome de usuario e contrasinal. As entidades novas no programa recibirán as mesmas dos seus respectivos servizos provinciais.

Para inscribirse, deberán dirixirse ao menú de "equipos" e dar unha "nova entrada" para crear o equipo en primeiro lugar, e a continuación introducir ou vincular aos deportistas.



As datas límite de inscrición de equipos serán:

DATA LÍMITE	MODALIDADES
15 DE NOVIEMBRO	BÁDMINTON, BALONCESTO, BALONMÁN, CAMPO A TRAVÉS, FÚTBOL SALA, TENIS DE MESA, VOLEIBOL, XOGANDO CO ATLETISMO
31 DE XANEIRO	ATLETISMO EN PISTA, DÚATLON, NATACIÓN, ORIENTACIÓN, PATINAXE, XADREZ

MULTIXOGO 6-8 non poderá ser antes de xaneiro pero non ten data límite de inscrición.

## 4.3. ORGANIZACIÓN

A Secretaría Xeral para o Deporte, a través dos servizos provinciais, organizará a actividade correspondente a cada unha das modalidades en función do número de inscritos, adaptándose en cada provincia ás necesidades e posibilidades organizativas de cada servizo.

Para a organización desta actividade contarán coa colaboración das agrupacións deportivas escolares podendo tamén contar cos clubs, concellos ou calquera outra entidade pública ou privada que dende a Secretaría Xeral e os servizos provinciais se estime conveniente.

Para a participación nesta actividade a Secretaría Xeral para o Deporte proverá a todos os escolares dun seguro de accidente deportivo gratuito durante o período de duración da mesma. Así mesmo facilitará un servizo de transporte gratuito, previa solicitude da entidade participante, nos casos en que o servizo correspondente o estime posible dentro das limitacións da contratación e aplicando os criterios de máximo aproveitamento dos recursos.

Os calendarios da actividade semanal de cada provincia poderán visualizarse na páxina [xogade.xunta.gal](http://xogade.xunta.gal)

A participación na actividade deportiva escolar será **TOTALMENTE DE BALDE**, por tanto non poderá estar suxeita a ningunha cota de inscrición ou similar.

## 4.4 DOCUMENTACIÓN

Cada entidade deberá cubrir os seguintes datos no programa:

- Datos completos da entidade.
- Datos completos dos ou das responsables.
- Datos completos dos/das deportistas inscritos/as na modalidade deportiva escollida.

O/a responsable garantirá que os datos de cada participante corresponden á realidade.

Unha vez formalizada a inscrición dos participantes no programa XOGADE, deberá imprimir o certificado de inscrición e as fichas carné dos/as deportistas, que facilita o programa de forma automática. No caso de facer cambios nas inscricións, deberán imprimir o novo certificado e os carnés das altas realizadas no programa, xa que ditos documentos serán requiridos na competición. No caso do **carné do deportista** será de carácter opcional nas fases previas, pero obrigatorio a partir das fases provinciais no caso de habelas. Poderá ser substituído polo DNI.

Nas modalidades deportivas de fútbol sala, baloncesto, balonmán e voleibol dito carné será obrigatorio dende a primeira fase ou xornada.

## 4.5 SEGURO

Todos os participantes inscritos na actividade deportiva escolar serán dados de alta nun seguro de accidentes. Este cubrirá a asistencia nos centros concertados (consultar na póliza excepcións para acudir a centros non concertados) ante aqueles accidentes debidos á práctica de actividade deportiva producidos durante os adestramentos e competicións do programa Xogade, desde o 1 de outubro ao 31 de maio. Excepcionalmente, e con autorización do Servizo provincial, poderá estenderse a cobertura ao calendario da actividade lectiva escolar. Os deportistas asegurados deberán ter entre 6 e 16 anos cumpridos (o día que cumpren os 17 anos perden esta cobertura).

Toda a documentación referente á cobertura do seguro está dispoñible na páxina [www.deporteescolargalego.com](http://www.deporteescolargalego.com): póliza, protocolo de actuación e parte de confirmación de accidentes.

A póliza e o protocolo de actuación tamén están colgados na portada da aplicación de Xogade para que se poida acceder á información sen claves.

É **importantísimo** que todos os participantes e as súas familias coñezan o protocolo de actuación e o cumplan.

## 4.6 PARTICIPANTES

Todos/as participantes terán que xogar na categoría que lles corresponda pola súa idade, agás naqueles deportes nos que as normas técnicas especifiquen outras idades. Só se pode participar nun equipo na mesma modalidade deportiva. Poderase autorizar o cambio de equipo por causas xustificadas, coma o cambio de domicilio familiar ou a desaparición do equipo.

**Categoría benxamín:** a participación será mixta, agás nas modalidades deportivas nas que se especifique outra cousa.

**Categoría alevín:** os equipos poderán ser femininos, masculinos e mixtos, agás campo a través e atletismo en pista, nos que as categorías serán masculina e feminina.

**Categoría infantil:** a competición, en xeral, será feminina e masculina. No xadrez será feminina e masculina/mixta. No

caso de organizarse competición por equipos en bádminton serán mixtos. Como excepción, poderase autorizar a participación dunha xogadora en categoría masculina, previa solicitude no servizo provincial e coa autorización do seu responsable legal.

**Categoría cadete:** haberá competición nesta categoría nas modalidades de bádminton, campo a través, dúatlon, orientación, tenis de mesa e xadrez. A competición será feminina e masculina e excepcionalmente poderá autorizarse a participación de deportistas de categoría feminina en equipos de categoría masculina mediante o procedemento explicado xa na categoría infantil.

Se un equipo ou deportista clasificado ou seleccionado para a seguinte fase non puidese asistir, deberá xustificalo ante a Secretaría Xeral para o Deporte. Neste caso, será substituído polo seguinte clasificado/a ou seleccionado/a. Os servizos provinciais poderán establecer particularidades a este respecto previa comunicación a través das normativas correspondentes a cada fase.

## 4.7 IDADES DOS PARTICIPANTES

Con carácter xeral establécense as seguintes categorías para a actividade deportiva.

**BENXAMÍN:** 2010-2009.

**ALEVÍN:** 2008- 2007.

**INFANTIL:** 2006-2005.

**CADETE:** 2004-2003.

As modalidades que se rexen por estas idades son: BÁDMINTON, BALONCESTO, BALONMÁN, DÚATLON, FÚTBOL SALA, TENIS DE MESA e XADREZ. As que se rexen por idades distintas están reflectidas na táboa ao pé da páxina.

A actividade deportiva constará de tres fases: local ou comarcal, intercomarcal (se procede) e provincial. Na modalidade de campo a través realizarase, a continuación, unha fase autonómica.

MODALIDADES ACTIVIDADE DEPORTIVA ESCOLAR	BENXAMÍN	ALEVÍN	INFANTIL	CADETE
ATLETISMO EN PISTA E CAMPO A TRAVÉS	2011-2010	2009-2008	2007-2006	2005-2004
XOGANDO CO ATLETISMO	2011-2010	2009-2008-2007	-	-
NATACIÓN	2010-2009	2008-2007	-	-
ORIENTACIÓN	-	-	2006-2005	2004-2003
PATINAXE ARTÍSTICA	2010-2009-2008-2007		2006-2005-2004-2003	
VOLEIBOL	2011-2010-2009	2008-2007	2006-2005	2004-2003

## 4.8 PREMIOS

Os tres primeiros clasificados, das fases intercomarcais (se procede) e provinciais, recibirán como recoñecemento os premios correspondentes, proporcionados polos servizos provinciais, directamente ou a través das agrupacións deportivas colaboradoras. No caso dos deportes de equipo que así o especifiquen segundo normativa, tamén recibirá premio o cuarto clasificado.

A Secretaría Xeral para o Deporte proporcionará os trofeos e medallas do Campionato Galego de Campo a Través.

## 4.9 NORMAS

Os regulamentos específicos serán elaborados polas agrupacións deportivas escolares ou organizadores e aprobados polos servizos provinciais. Debemos lembrar que a filosofía do deporte escolar debe ser inclusiva e igualitaria, primando a participación e a convivencia polo que se deberán introducir ferramentas que garantan a máxima participación do xeito máis equitativo posible.

## 4.10 RÉXIME DISCIPLINARIO

Entendendo que na actividade deportiva escolar deben primar os aspectos educativos, dando maior peso ao obxectivo da participación que ao competitivo, non debería ser preciso o desenvolvemento dun réxime disciplinario máis alá das propias normas de convivencia e educación existentes nunha sociedade como a nosa.

## 5. ACTIVIDADE DEPORTIVA FEDERADA

As federacións galegas no cumprimento das súas funcións de promoción das súas modalidades deportivas así como da organización de competicións oficiais autonómicas, establecidas no artigo 56, sección 3ª, CAP II de entidades deportivas da Lei 3/2012 de 2 de abril, organizarán a competición deportiva federada en idade escolar, tendo sempre en conta a obriga de cumprimento establecida para estas entidades no convenio anual coa Secretaría Xeral para o Deporte.

### 5.1 MODALIDADES

- Baloncesto
- Balonmán
- Voleibol

### 5.2 INSCRICIÓN

Poderá inscribirse neste programa aos deportistas con licenza federativa de centros de ensino, ANPAs, clubs, escolas deportivas municipais, agrupacións deportivas, aso-

ciacións, etc., que o desexen, pertencentes á Comunidade Autónoma de Galicia.

A inscrición realizarase a través da aplicación da páxina [www.deporteescolargalego.com](http://www.deporteescolargalego.com). Nela o responsable da entidade solicitará o rexistro para inscribir equipos e deportistas. As entidades que xa participasen nas tempadas anteriores manteñen o mesmo nome de usuario e contrasinal. As entidades novas no programa recibirán usuario e contrasinal dos seus respectivos servizos provinciais.

Para inscribirse, o primeiro paso será entrar no menú de "Equipo" e dar unha "Nova entrada" para xerar o equipo e a continuación introducir ou vincular aos deportistas.

Ao seleccionar no programa a actividade deportiva federada aparecerán as modalidades dispoñibles, así como as categorías en cada un dos casos.



### 5.3 ORGANIZACIÓN

Esta actividade estará organizada polas diferentes federacións galegas, en base ao convenio anual que a Secretaría Xeral para o Deporte firma con cada unha delas.

Para a participación nesta actividade, a Secretaría Xeral para o Deporte facilitará gratuitamente para todos os deportistas participantes o seguro de accidente deportivo asociado á licenza da federación correspondente en cada unha das modalidades.

Para o coñecemento das bases de competición, os interesados deberán dirixirse á federación deportiva organizadora, para o que se establecen os seguintes datos de contacto:

#### BALONCESTO

Estadio Multiusos de San Lázaro, porta 14. 15890 Santiago de Compostela (A Coruña)

Tel.: 981 585 040 / 981.565.700

Fax: 981.566.066

E-mail: [secretaria@fegaba.com](mailto:secretaria@fegaba.com) // [direccion@fegaba.com](mailto:direccion@fegaba.com)

Web: [www.fegaba.com](http://www.fegaba.com)

## BALONMÁN

Casa do deporte, Rúa Fotógrafo Luis Ksado, 17 – baixo, local 3. 36209-Vigo [Pontevedra].

Tel.: 986.410.618 / 986.420.176

Fax: 986.172829

E-mail: [secretaria@fgbalonman.com](mailto:secretaria@fgbalonman.com)

Web: [www.fgbalonman.com](http://www.fgbalonman.com)

## VOLEIBOL

Complejo Deportivo de Elviña, Praza de Agustín Díaz, 1. 15008 – A Coruña

Tel.: 981 134 453

Fax: 981.132.959

E-mail: [correo@fgvb.es](mailto:correo@fgvb.es)

Web: [www.webgalega.com/fgvb](http://www.webgalega.com/fgvb)

## 5.4 DOCUMENTACIÓN

Cada entidade deberá cubrir no procedemento de inscrición a través de Internet os seguintes datos:

- Datos completos da entidade.
- Datos completos dos/das responsables.
- Datos completos dos/das deportistas inscritos/as na modalidade elixida.

O/a responsable garantirá que os datos de cada participante corresponden á realidade.

Será a normativa establecida por cada unha das federacións a que determine a documentación obrigatoria a presentar no momento da competición, podendo ser o certificado de inscrición, que de forma automática facilita o programa, ou ben a licenza deportiva, por ser esta de carácter obrigatoria para a participación na actividade deportiva federada.

## 5.5 SEGURO

Todos os participantes inscritos na actividade deportiva federada serán dados de alta nun seguro de accidentes. Este cubrirá a asistencia nos centros concertados (consultar na póliza excepcións para acudir a centros non concertados) ante os accidentes debidos á práctica de actividade deportiva ao longo da tempada de vixencia da súa licenza federativa, sempre que as súas idades estean comprendidas entre os 6 e os 16 anos. O mesmo día que o/a deportista cumpre os 17 anos deberá contar con outro seguro da federación.

Toda a documentación referente á cobertura do seguro está dispoñible na páxina [www.deporteescolargalego.com](http://www.deporteescolargalego.com):

póliza, protocolo de actuación e parte de confirmación de accidentes.

A póliza e o protocolo de actuación tamén están colgados na portada da aplicación de Xogade para que se poida acceder á información sen claves.

É **importantísimo** que todos os participantes e as súas familias coñezan o protocolo de actuación e o cumplan.

## 5.6 PARTICIPANTES

Todos/as os/as participantes terán que xogar na categoría que lles corresponda pola súa idade, agás naqueles deportes nos que as normas técnicas especifiquen outras idades. En ningún caso os/as xogadores/as poderán pertencer a máis dun equipo da mesma modalidade deportiva ao longo de toda a tempada. Só se autorizarán cambios de equipo no medio da tempada en casos excepcionais e debidamente xustificadas (casos de forza maior como traslado familiar, etc.), necesitando a autorización expresa da federación.

**Categoría benxamín:** a participación será mixta, agás nas modalidades deportivas nas que se establezan outras categorías.

**Categoría alevín:** os equipos poderán ser femininos, masculinos e/ou mixtos, segundo normativa.

**Categoría infantil:** a competición será feminina e masculina. De maneira excepcional e previa autorización da federación poderán aceptarse equipos mixtos.

**Categoría cadete:** a competición será feminina e masculina.

Para máis información, consultar as bases da normativa da competición de cada unha das federacións.

## 5.7 IDADES DOS PARTICIPANTES

Establécense as seguintes categorías.

**BENXAMÍN:** 2010-2009 (en Voleibol tamén 2011)

**ALEVÍN:** 2008 - 2007

**INFANTIL:** 2006-2005

**CADETE:** 2004-2003

O desenvolvemento das actividades deportivas será establecido por cada unha das federacións deportivas en colaboración coa Secretaría Xeral para o Deporte, segundo o recollido no convenio anual existente entre ambas partes.

## 5.8 RESTO DE NORMATIVA

Todos os aspectos da Actividade Deportiva Federada virán determinados polo establecido por cada Federación Galega da modalidade en cuestión.



## 6. COÑECE O MEU CLUB

### EN QUE CONSISTE?

Con este programa preténdese facilitar aos escolares o coñecemento dos recursos deportivos dispoñibles na súa poboación, ofrecéndolles así unha alternativa de ocupación para o seu tempo libre e fomentar a práctica da actividade física entre a nosa poboación escolar. O obxectivo é poñer así en mans dos nosos alumnos e alumnas a maior cantidade de recursos posibles, que lles axuden na consecución de hábitos cada vez máis activos e saudables.

Os técnicos do club visitarán os centros escolares para facer unha presentación práctica e lúdica do seu deporte, tamén explicarán o funcionamento do club (localización, horarios de adestramento, competicións) e invitarán aos escolares a compartir un dos seus adestramentos. Crearase así un vínculo importante entre o centro escolar e o club da localidade.

O centro escolar deberá emitirlle un certificado por duplicado ao club que realice a actividade, unha vez finalizada esta, onde especifiquen os datos de realización da mesma requiridos e publicados na web. Os centros poderán enviar unha valoración da actividade ao correo electrónico do coordinador de deporte escolar do Servizo Provincial correspondente. Habilitarase un modelo para tal fin na páxina web.

O club terá a responsabilidade de asegurarse de que un dos certificados sexa remitido ao Servizo Provincial correspondente, para que alí conste aos efectos oportunos de posibles subvencións.

### A QUEN VAI DIRIXIDO?

Ao colectivo escolar galego, como receptores da actividade e a todos os clubs deportivos que estean inscritos no Rexistro de Clubs da Comunidade Autónoma de Galicia.

### COMO FACER A SOLICITUDE?

O club rexistrarse na aplicación de Xogade [www.deporte-escolargalego.com](http://www.deporte-escolargalego.com). Cada tempada deberá inscribirse neste programa sinalando que área xeográfica está disposto a abarcar.

Os centros educativos consultarán que clubs están dispoñibles na súa zona e poranse en contacto con aqueles do seu interese para concertar a visita.

### CONDICIÓNS DO CLUB:

Deberá estar rexistrado na federación deportiva correspondente na súa modalidade.

### POSTA EN PRÁCTICA:

- FASE 1. Realización da solicitude por parte do club.
- FASE 2. O centro escolar poderá ver na web os clubs solicitantes.
- FASE 3. O centro escolar establecerá contacto cos clubs segundo os seus intereses.
- FASE 4. Visita do club ao centro escolar en horario lectivo para presentar a súa modalidade.
- FASE 5. (Optativa para o centro) Visita ás instalacións do club co alumnado interesado para coñecer e practicar esa modalidade. (O transporte, en caso de ser necesario, correrá a cargo do centro escolar).
- FASE 6. Avaliación da actividade por parte do centro (opcional).

## 7. XOGOS POPULARES

Os Servizos Provinciais cederán en préstamo materiais de xogos aos centros educativos. Trátase tanto do material físico do xogo como do material didáctico para a súa posta en práctica.

### CRITERIOS DE VALIDACIÓN:

Os centros escolares que soliciten esta actividade serán atendidos baseándose nos seguintes criterios de validación:

- Grao de participación no programa Xogade.
- Posibilidades xeográficas de realización.
- Reparto equitativo.
- Non ter validada a mesma actividade en anos anteriores.
- Orde de inscrición.

### INSCRICIÓN:

Na aplicación de Xogade [www.deporte-escolargalego.com](http://www.deporte-escolargalego.com), cubrindo os datos requiridos para solicitar a actividade. O 15 de novembro, unha vez rematado o prazo de solicitude, comezará o proceso de validación, segundo os criterios arriba publicados.

Os centros escolares que obteñan a validación na web serán avisados por correo electrónico e recibirán por este medio as instrucións para a recollida/recepción do material e para a súa devolución.

## 8- PROXECTO DEPORTIVO DE CENTRO

**Xogade** é unha ferramenta máis para comezar a traballar no centro educativo un **Proxecto de Vida Activa e Saudable (Proxecto Deportivo de Centro -PDC)**.



Pode ser, ademais, o eixo central dun proxecto de innovación educativa, se queremos participar no Plan Proxecta da Consellería de Cultura, Educación e Ordenación Universitaria, dentro da actuación coordinada pola Secretaría Xeral para o Deporte e a Fundación do Deporte Galego, en relación ao Plan de Fomento de Actividade Física - Galicia Saudable.

No marco do Plan Proxecta, o Proxecto Deportivo de Centro – Centros Activos e Saudables busca coordinar todos os esforzos da comunidade educativa para promover un estilo de vida activo e saudable dos escolares. Contempla tanto as actividades dentro e fóra do horario lectivo e dentro e fóra do centro escolar.

Para isto ofrece distintas ferramentas opcionais, para axudar ao centros na confección e traballo dos seus proxectos de vida activa, como son:

- **Plataforma DAFIS** (valoración da condición física en parámetros de saúde e ferramenta principal de avaliación do impacto do noso proxecto de vida activa na saúde dos escolares).
- programa **Máis e Mellor Actividade Física**, traballo compartido entre Ciencias Sociais e Ciencias Naturais con Educación Física.
- **Móvete +** (actividades físicas con música)-
- **Camiña/En bici á escola**, promoción de hábitos de vida activa no camiño ao cole
- E o propio **Xogade**, cos seus diferentes programas.

## INSCRICIÓN:

Para máis información consultar o enlace do Plan Proxecta <http://www.edu.xunta.gal/portal/node/19909>

## 9- XOGANDO COA AUGA

Esta actividade nace para dar cabida a un conxunto de proxectos que se veñen desenvolvendo en diferentes puntos da nosa xeografía coa finalidade de acercar aos escolares galegos a uns medios tan importantes para a nosa Comunidade Autónoma como son o MAR e os RÍOS.

O denominador común destes proxectos será o emprego da auga no medio natural como instrumento de xogo para traballar cos rapaces e rapazas. A vela e o remo, que comezaron a tempada 2016-17 estenderanse por máis puntos da xeografía galega e valorarase a incorporación de novos proxectos.

## INSCRICIÓN:

Contactar co organizador da actividade.

## 10- SEGURO FEDERADO DE 6 A 16

A Xunta de Galicia proporciona un seguro deportivo gratuíto para todos os deportistas, escolares ou federados, de 6 a 16 anos. Esta é unha medida fundamental para apoiar, sólida e eficazmente, o deporte de base, dentro do compromiso da Xunta de Galicia pola promoción da actividade físico deportiva e os hábitos saudables.

Todas as federacións deportivas galegas, teñan ou non competición no marco do Xogade, poderán adherirse á póliza de accidentes da Secretaría Xeral para o Deporte, para os seus deportistas de 6 a 16 anos. O custo deste seguro obrigatorio será asumido pola Secretaría Xeral para o Deporte e, polo tanto, debe verse reflectido no custo das licenzas deportivas destes deportistas.

Serán as federacións deportivas galegas (co seu usuario e clave de federación ou de axudante) as que dean de alta aos deportistas no momento de tramitar a licenza federativa.



The screenshot shows the 'Actividade Federada Escolar' search page. At the top, there are logos for 'XOGADE', 'DEPORTE GALEGO', and 'XUNTA DE GALICIA'. Below the logos is a navigation bar with 'Inicio', 'Informes', 'Entidades', and 'Seguro deportivo 6-16'. A search bar is present with fields for 'Apelidos', 'Nome', 'Identificador', 'Nome club', and 'Concello'. Below the search bar are buttons for 'nova entrada' and 'importación masiva (beta)'. At the bottom, there is a table header with columns: 'APELLIDOS', 'NOME', 'IDENTIFICADOR', 'DATA DE INSCRICIÓN', 'DATA DE NACIMENTO', 'CONCELLO', and 'NOME CLUB'. Below the header, it says 'Non hai resultados que amosar'.

Poderán facelo importando un excel ou directamente no caso de que o número de deportistas a asegurar sexa asumible.

- O modelo de excel a empregar será facilitado dende a Secretaría Xeral para o Deporte.
- Na barra do menú inferior aparecerá un botón para a función de "Importación masiva"
- Deberán importar a totalidade de datos dos deportistas federados de 6 a 16 anos que desexen asegurar ao tramitarlles a licenza federativa, xa que é a federación a única con competencia na tramitación de licenza deportiva.

Os clubs deberán solicitar rexistro na aplicación de Xogade como Entidades Federadas para poder ver os seus inscritos, xerar os carnés e dar os partes de accidente.

A póliza e o protocolo de actuación tamén están colgados na portada da aplicación de Xogade para que se poida acceder á información sen claves. ([www.deporteescolargalego.com](http://www.deporteescolargalego.com)).

É **importantísimo** que todos os participantes e as súas familias coñezan o protocolo de actuación e os centros aos que deben acudir en caso de accidente.

## INSCRICIÓN:

A través da federación galega correspondente, que realizará as altas na páxina do programa Xogade.